

gustav / May 25, 2012 11:30PM

[\[華嚴\] 華嚴經覺林菩薩偈](#)

[華嚴] 華嚴經覺林菩薩偈

(于闐國三藏實叉難陀奉 制譯)

(CBETA 連結 http://www.cbeta.org/result/normal/T10/0279_019.htm)

覺林菩薩偈

華嚴第四會，夜摩天宮，無量菩薩來集，說偈贊佛。爾時覺林菩薩承佛威力，遍觀十方，而說頌言：「
譬如工畫師，分布諸彩色，
虛妄取異相，大種無差別。
大種中無色，色中無大種，
亦不離大種，而有色可得。
心中無彩畫，彩畫中無心，
然不離於心，有彩畫可得。
彼心恒不住，無量難思議，
示現一切色，各各不相知。
譬如工畫師，不能知自心，
而由心故畫，諸法性如是。
心如工畫師，能畫諸世間，
五蘊悉從生，無法而不造。
如心佛亦爾，如佛眾生然，
應知佛與心，體性皆無盡。
若人知心行，普造諸世間，
是人則見佛，了佛真實性。
心不住於身，身亦不住心，
而能作佛事，自在未曾有。
若人欲了知，三世一切佛，
應觀法界性，一切唯心造。」

Edited 2 time(s). Last edit at 05/25/2012 11:33PM by gustav.
